



IROMAG

Odlazni studenti



by IROUNMO

U OVOM BROJU

DŽEMAL BIJEDIĆ

DANI KVALITETA

STAY BOLD

STUDENSKA POSJETA

BHANSA

POSLOVNA

INFORMATIKA

APLICIRANJE NA

CHEVENING STIPENDIJU

Svjetski dan Brajevog pisma obilježava se svake godine 4. januara jer je rođendan Louisa Braillea. On je osnivač Brajevog pisma. Louis je rođen 1809. godine u Francuskoj i oslijepio je nakon nesreće u djetinjstvu. Ali brzo je savladao svoj novi način života.

Brajevo pismo je taktilni prikaz alfabetskih i numeričkih simbola pomoću šest tačaka za predstavljanje svakog slova i broja, pa čak i muzičkih, matematičkih i naučnih simbola. Brajevo pismo (nazvano po svom pronalazaču u Francuskoj u 19. veku, Luju Braju) koriste slepi i slabovidni ljudi za čitanje istih knjiga i časopisa kao i onih štampanih vizuelnim fontom.

DŽEMAL BIJEDIĆ

By IROUNMO

Džemal Bijedić, Mostarac, kojem je Univerzitet u Mostaru podario da živi među nama i poslije smrti. Malo kome je danas strano, ko je bio veliki Džemal Bijedić, kao i moment njegove tragične pogibije. Sticanjem i širenjem znanja na Univerzitetu koji nosi naziv velikana, ne može da se ne spomene godina 1977., 18. januar, kada je ex Jugoslaviju i širu javnost uzdrmala tužna vijest. Na letu iz Beograda za Sarajevo srušio se avion u kojem su život izgubili tadašnji predsjednik Saveznog izvršnog vijeća (SIV) Džemal Bijedić, njegova supruga Razija i članovi posade. Univerzitet je osnovan 1977. godine, odnosno iste godine kada je poginuo Džemal Bijedić, a u njegovom Mostaru svake godine se obilježava godišnjica smrti.



Studenti, Ekonomskog fakulteta Univerziteta „Džemal Bijedić” u Mostaru, okupljeni u ovoj kampanji iz pet različitih gradova Bosne i Hercegovine (Stolac, Mostar, Jablanica, Bugojno i Velika Kladuša), danas 46 godina nakon pogibije velikog Mostarca i čovjeka naroda, ovim putem odaju mu priznanje. Osmislili su i realizovali kampanju sjećanja na njegovo ime, u okviru nastavnog predmeta Marketing, pod nazivom “Sjeti se...” Kampanja je realizovana u saradnji sa JU “Muzej Hercegovine Mostar”, u okviru kojeg je i rodna kuća Džemala Bijedića, od aprila 1981. godine pretvorena u njegovu spomen-kuću.

Podrška Muzeja Hercegovine je bila prisutna tokom cijelog procesa kreiranja studentske kampanje. Rad naših studenata dodatno su podržali pozivom na jučerašnji događaj, okrugli stol o temi „Uloga Džemala Bijedića u društveno-političkim procesima 20. stoljeća“ povodom 46. godišnjice pogibije Džemala Bijedića.



DANI KVALITETA

By IROUNMO

U ponedjeljak, 16. januara prvom radionicom otvoren je program „Dani kvaliteta“ na Univerzitetu „Džemal Bijedić“ u Mostaru.

Prva radionica pod nazivom „Osiguranje kvaliteta i akreditacija“ održana je u sali za simulovano suđenje na Pravnom fakultetu, a predavač je bio generalni sekretar Univerziteta „Džemal Bijedić“ u Mostaru i Referent za osiguranje kvaliteta i ECTS, Alim Abazović.

Na radionici je govorio o kriterijima samoevaluacije, o procesu akreditacije univerziteta, te o ulozi i značaju komisija i Agencije za akreditaciju. Pored toga, govorio je i o osiguranju kvaliteta nastave na Univerzitetu „Džemal Bijedić“ u Mostaru.

Na drugoj radionici koja je održana isti dan na temu „Uloga studenata u sistemu visokog obrazovanja“ predavači su bili: generalni sekretar Univerziteta „Džemal Bijedić“ u Mostaru i Referent za osiguranje kvaliteta i ECTS, Alim Abazović i predsjednik Unije studenata Univerziteta „Džemal Bijedić“ u Mostaru Kenan Begović.

Govorili su o osiguranju kvaliteta, o učešću studenata u procesima upravljanja, pasivnom i aktivnom pristupu studiranju, uključenosti studenata u rad Senata Univerziteta „Džemal Bijedić“ u Mostaru, nastavno-naučnih vijeća fakulteta i univerzitetskih studija, učešću u radu komisija itd.

Ciljne grupe radionica su osoblje, zaposlenici i studenti Univerziteta „Džemal Bijedić“ u Mostaru.



STAY BOLD

By IROUNMO

Organizacija "Snaga Mladih / Youth Power" iz Mostara u saradnji sa Američkom ambasdom u BiH provodi projekat "Stay BOLD", u sklopu kojeg trenutno imaju otvoren poziv za 50 mladih ljudi (18-35 godina) iz čitave Bosne i Hercegovine. Projekat je fokusiran na razvijanje i usavršavanje vještina pisanja projektnih prijedloga sa posebnim akcentom na pozitivne promjene u lokalnim zajednicama. Kroz projekat, u saradnji siskusnim mentorima iz BiH i SAD-a, pružamo znanje, vještine i iskustvo mladim ljudima koji na kraju procesa imaju priliku aplicirati sa svojim projektnim prijedlozima za finansiranje u sklopu BOLD programa.



Edukativni trening će biti organizovan u periodu od 13.02. – 19.02.2023. u Blagaju.

Svi odabrani učesnici/e će u pripremnom dijelu za trening proći kroz online kurs, koji predstavlja osnovu za učešće u treningu.

Troškovi prijevoza i smještaja na bazi punog pansiona su u potpunosti pokriveni od strane organizatora.

STUDENTSKA POSJETA BHANSA

By IROUNMO

Studenti Ekonomskog fakulteta i Studija turizma Univerziteta "Džemal Bijedić" u Mostaru, u pratnji predmetnog nastavnika, prof. dr. Veldina Ovčine, posjetili su prostorije i kontrolni toranj Agencije za pružanje usluga u zračnoj plovidbi Bosne i Hercegovine (BHANSA) u Mostaru, kako bi se informisali o radu Agencije i poziciji kontrolora letenja, saopćeno je sa Ekonomskog fakulteta "Džemal Bijedić".

BHANSA je osnovana 2009. godine, kao neprofitna i finansijski samostalna institucija sa svojstvom pravnog lica, koja je od decembra 2019. godine u potpunosti preuzela kontrolu avio- saobraćaja u cjelokupnom zračnom prostoru Bosne i Hercegovine. Uslijed kontinuiranog rasta obima avio- saobraćaja, potražnja za kontrolorima letenja u današnje vrijeme postaje sve veća.



Domaćini su informisali studente o specifičnosti, izazovnosti i zahtjevnosti posla kontrolora letenja, pozicije koja zahtijeva visok nivo znanja, snalažljivosti, odlučnosti, te sposobnosti upravljanja u kriznim situacijama, odnosno obavljanja posla pod pritiskom. Budući da piloti trebaju kontinuiranu podršku kontrole avio-prometa, kako bi letjeli sigurno, to pozicija kontrolora letenja postaje ključna za efikasno funkcionisanje aerodroma, te avioindustrije u cjelini.

Studenti su imali priliku da se upoznaju sa radom i svih službi koje pružaju podršku kontrolorima letenja, kako bi se cjelokupan proces u potpunosti optimizirao.

DRUGI CIKLUS POSLOVNE INFORMATIKE

By IROUNMO

Cilj studijskog programa je zadovoljiti identificirane potrebe tržišta rada u regionu. U okviru stalne saradnje Ekonomskog fakulteta i Fakulteta informacijskih tehnologija sa tržištem rada identificirana je nekompletna ponuda obrazovnih profila, i to profila koji će posjedovati kompetencije, znanje i vještine u oblastima poslovanja i informacijskih tehnologija (IT). Stalnim razvojem IT-a i njihovom integracijom u sve sektore poslovanja došlo je do potrebe obrazovanja menadžera i ekonomskih stručnjaka koji također posjeduju kompetencije, znanja i vještine iz oblasti IT-a, kako bi mogli na adekvatan način organizirati i izvršavati ekonomske procese organizacija.



Cilj master studija je sticanje ukupnih kompetencija potrebnih za projektovanje, implementaciju, održavanje i sigurnost poslovnih informacionih sistema i upravljanje informacijskim sistemima i projektima.

Misija Univerziteta je organizirati širok spektar obrazovnih procesa različitih sadržaja i nivoa, obavljati teorijski, primijenjeni i razvojni naučnoistraživački rad, te postati jedan od predvodnika u obrazovanju mladih kadrova potrebnih za razvoj privrede i društva na gravitacionom području, kao i za unapređenje kulturnog i društvenog razvoja regije i zemlje. Univerzitet želi stvarati nova znanja i tehnologije za vrijeme koje dolazi, uvoditi nove oblike obrazovanja, voditi multidisciplinarne studije podržane savremenim tehnologijama i školovati profesionalce za internacionalnu utakmicu, zalažući se za primjenu međunarodnih standarda obrazovanja. Nastavak novog multidiscipliniranog studija Poslovne informatike kroz drugi ciklus je intencija i smišljen iskorak Univerziteta zajedno sa organizatorima multidisciplinarnog studija, Ekonomskog fakulteta i Fakulteta informacijskih tehnologija. Gore spomenuti program sadrži predmete koji su kompatibilni savremenim dostignućima iz oblasti informacijsko-komunikacijskih tehnologija (IKT), poslovne ekonomije i menadžmenta, softverskog inženjeringa, te istraživanja tržišta.

APLICIRANJE NA CHEVENING STIPENDIJU

By IROUNMO

Apliciranje na Chevening stipendiju je proces koji uveliko može pomoći Vašem razumijevanju svega onoga što jeste, onoga što želite postići u budućnosti te kako možete doprinijeti državi Bosni i Hercegovini i svom užem okruženju.

Odgovornost, kritičko promišljanje i kreativnost su možda neke od najvažnijih karakteristike koje su Vam potrebne za uspješno apliciranje.

Prijava na univerzitet

U pripremnoj fazi, predlažem da analizirate predmete koje ste imali tokom prethodnog školovanja. To će Vam uveliko olakšati odluku koja to tri univerziteta na području Ujedinjenog Kraljevstva ćete staviti kao svoj izbor u aplikaciji. Kada donesete odluku, istražite koji su rokovi za prijavu i uslovi tih univerziteta.

Online aplikacija

Apliciranje za Chevening stipendiju kreće putem online platforme na kojoj možete otvoriti svoj profil te redovno dodavati informacije. Neka od pitanja će možda zahtjevati više vremena, stoga predlažem da svoje odgovore zapišete u zasebnom dokumentu. Vaše radno iskustvo je veoma bitno za uspješno apliciranje te nije ograničeno na klasično radno iskustvo. Svako radno, povremeno ili čak volontersko iskustvo doprinosi konačnom broju sati, odnosno 2 godine iskustva koje je neophodno.

U samom procesu prijave pomoć možete potražiti na zvaničnoj Chevening stranici i stranici Britanske ambasade u BiH, pogledati neke od videa koje su objavili prethodni stipendisti ili se čak obratiti nekome od njih.

Pored predmeta na izabranim univerzitetima, istražite na koje vannastavne aktivnosti se možete uključiti pa čak i koje su to turističke atrakcije koje ćete posjetiti kako bi razvili svoju ličnost i upoznali bogatu UK historiju.

Prijava na fakultet se radi nezavisno od Chevening aplikacije, a predlažem da što ranije krenete sa prijavama. Neki fakulteti čak omogućuju da, ukoliko Vas uspješno prime, zadrže prijavu za narednu školsku godinu - odnosno dok ne osigurate stipendiranje.

Za uspješnu prijavu, kako na univerzitet tako i na Chevening stipendiju, potreban Vam i je certifikat o poznavanju engleskog jezika. Istražite minimalni broj bodova koji traže univerziteti i osigurajte sebi dovoljno vremena za pripremu za ispit.

**bakšiš - napojnica, poklon,
merak - čežnja, želja, uživanje
halvat - prizemlje, soba u prizemlju**

**kaldrma - vrsta pločnika
sutlija - vrsta jela od riže i mlijeka
hećim - doktor**

IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
HUSEIN MARIĆ

